

K e r w e s p r u c h 1978

Wann im Örtche es Krawall,
noch schlimmer wie an Karneval,
wann die Brauer viele Fässer bringe,
die Kinsteerer lustige Lieder singe.
Dann sin mer wirrer beinanner
um unser rot-weiß Fahnebanner.
Denn mer haale die Tradition
wie unser Urgroßväter schon.
Woche vorher dun mer berede,
wem mer heit uff de Schlips mol trete.
Wie jed Johr werd Klarschiff gemacht
unn viel gesunge unn gelacht.
Drum Kellner, schenkt die Gläser voll Woi

Was draus se in de Welt passiert
das hab ich mer ganz kurz notiert:

Argentina 78, däs es e Wort
de leeft baal jeder Fußballer fort.
Awwer warum solle die Kerl sich denn plage
iwwers Geld könne se sowieso net klage.
Heiern war diesjohr in,
aach fer die Frau Onassis unn Carolin.
Die oa heiirt en Russ, die onner en Franzos,
was is dann nur mit dene Welwer los.
Im nahe Oste hots urig gekracht,
die Araber unn Isarelis hon johrelang Krieg gemacht.
Doch im Camp David howwe se sich mirrem Carter getroffen,
dort hatte se noch oaner uff de Friede gesoffe.
Dodefer pladierte aach noch ganz annern Leit
fer die warn die Wahle aach net mee weit.
Oaner es schon lang gewählt,
däs is de Johannes Paul, fer den war alles zu spät.
De Johannes war en ganz sparsame Mann,
er spart in alle Ecke, wo er nur kann.
Sogar mit seuner Amtszeit hot er geknausert,
mol gespannt, wer sich jetzt als Papat erausmausert.
Naturkatastrophe gabs diejohr in Masse,
de liewe Gott kanna halt net lasse.
Als erstes 1981 er de Rheu iwwer die Ufer trete,
dann versetzt er die Schwäbisch Alb in Bebe.
Genug jetzt vun de Weltgeschichte,
ich will noch e bissje vum Ort berichten.
Drum Kellner

Ein junger Mann sehr rank unn schlank
in die Arme eines Mädchens sank.
Verlobt warn sie ja schon sehr lang,
jetzt hörte man der Hochzeitglocken Klang,
Doch vorher musste man noch e Heisje baue,
wo mer es Ehebett konnt verstaue.
Nooch em Polterabend wars sehr schwer
bis mer de Hof hat vum Dreck wirrer leer.
Doch endlich, glücklich unn besunne
sin se in de Kerch verschwunne.
In Haßlich beim Roosen howwe se gefeiert,
weil er e Auswertig hot geheiert.
Uff em Hoamweg nooch Kinstee es es dann passiert,
die Feuerwehr hot alarmiert.

Unn unsern liewe Bräutigam,
selbst en aktive Feuerwehrmann
springt seuner Madam oafach devoo,
die Hochzeitsnacht fängt jo gut oo.
Ja Feierwehrleit sinn Idealiste,
vergesse gan die annern Pflichten.
Drum Kellner,

Unn noch oaner hon mer mol beobacht,
wie er seum Kumpel seun Vorgearde betracht.
Der oane en Bauer, der anner en Fabrikant,
sie wurden durch die Feierwehr bekannt.
Dem Fabrikant seu Gärtche verwildert,
dem annern er seu Problemche schildert.
So geht's net, des Ding muß in die Reih
unn helt emol schnell seu Kulturfräsje bei.
Awwer dann, oh Schreck oh Graus
dös art jo glei in Arweit aus.
Jetzt muss de oanner mirrem Traktor ebei,
mit dem seune Fräs es dös e Spielerei.
Er fährt ins Gärtche, na dann viel Glick,
2 Meter vor, 2 Meter zurück.
Unn wie e Wunner eiderdaus,
er kimmt aach wirrer heil heraus.
Früher hat mer koan Traktor unn koa Fräs,
hoffentlich seun mer die Zwaa net bös.
Awwer däs muss jetzt gesagt wern an alle Ecke,
wie kann mer dann nur en Traktor in e Kloagärtche stecke.
Weil se so bequem wern, wern se von uns belehrt,
de Zweck heiligt die Mittel unn net umgekehrt.
Drum Kellner

Es Führerschin macht jeder heizutag,
so em Bauersmann seu Tochter aach.
Bei de 2. Prüfung hots dann schon gegklappt,
do war ern Vadder ganz newer de Kapp.
Unn um zu øeige, aus welch reicher Familie des Mädche es her,
musst ach glei es nagelnei Auto in de V rkehr.
Seu Tochter es im Hof eukutschiert,
unn dodebei es es dann passiert.
Die Scheier hot im Weg gestanne
unn es Auto es in die Futtermanne.
Es war dann schließlich en Totalschade vollbracht,
jetzt kellneriert se im Ried in schwarz-weißer Tracht.
Drum Kellner

Mer hon en Rentner in unserm Ort,
der betreibt Quetscheroppe als Leistungsaport.
Mit seum Dackelche fehrt er ins Feld enaus
unn macht selbst de letzte Quetsch de Garaus.
Die letzte Johr fiel er öfter vum Boam,
doch diesjohr wern de Rentner zahm.
Erst oamol es er runner gefalle,
däs es als Fortschritt festzuhaale.
Als er seu Quetsche im Karrnche verstaute
hot er sich mit seum Quickly uff de Hoamweg getraut.
Doch dehoam, do merkt de Rentner geknickt,
daß em seu Karrnche es em abgerickt.
Wie er es Karrnche dann wirrer gefunne hot,
war natürlich die Hälft vun de Quetsche fort.

Drumm wolle mer den Rentner belehrn,
es nächste Jahr ropp besser Deern.
Drum Kellner

Unn noch e Geschicht hob ich ausgewählt,
die sich in unserm Stammlokal abgespielt.
Doo mer veel Bier trinke, däs werd Er wisse,
muß mer ab unn zu aach emol piase.
Oaner von uns geht emol uffs Kloo,
macht seu Sach unn denkt: Ei was es denn do ?
Er geht hinner an die Kabin,
die Deer steht uff unn wer sitzt drin ?
En ortsbekannte Junggeselle, der garnet verlege,
Erklärt, er wolle nur seu Ei da lege.
De Krrweborsch soll noch e bissje weade,
er det sich beim Kacke ganz gern unnerhaale.
Wer den Kerl kennt weiß, der tät's mache,
der es bekannt fer solche Sache.
Lasse mern hiermit in Ruh,
mir mache jedenfalls die Tür hinner uns zu.
Drum KellnerXX

Die Adam Opel-Straß' es grell,
do fährt fast jeder veel zu schnell.
Doch in em alte Bäcker neum Gaarde
gehn die Rennfahrer als bade.
Tomatestöck wern umgeweht,
die mer vor kurzem erst gesät.
Es kracht unn scheppert in oaner Tour.
was dorthin noch als Auto fuhr.
Däs steht jetzt als abstrakt Gebilde
in Gaarde, Höf unn annern Gefilde.
Aus solche Sache do ergibt sich,
macht langsam Leit, fährt 170.
Drum Kellner

Däs Zigeunerproblem es uns Kinsteerer gut bekannt,
die bringe alles außer Ring und Band.
Zwische Artern unn Kinsteere, do honn se gezelt,
getroffe hon se sich aus de halwe Welt.
Die Caritas war uff Unnerstützung ganz erpicht,
Die Stadtväter hon aach ern Daal entricht.
Unn nach anfänglicher Hungersnot
ging's dene Brüder plötzlich ganz schee gut.
Jeden Owend e Sau iuwerm Feier
werd uff die Dauer ganz schee deier.
E Bürgerinitiativ hot do druff he sich gegrind.
De Boimoaster Uwerlegt geschwind,
däs keene mer net so lasse,
was werd uns däs fer Stimme koste.
Kaum war der Geldhahn zuggedreht,
die Bürger aach schon abgeregt.
Nun packt däs Zoores seu Siewesache
unn dut sich mit Kind unn Kegel wo pannerst breitmache.
Drum Kellner

Aach unser Nachbern, die Naumer, derfe mer net vergesse !
Nooach viele Johnn hatte die aach emol e Idee,
sie moane, ohne Krrweborsch wär e Kerb net schee.
So traf sich dann e junge Schar
unn seegt: mer mache die Kerb dieses Jahr.

Mit de Bitte um freie Eintritt sin se zu erm Verein gegaunge.
Doch dem war's um die paar Mark ganz bange.
Erst honn se gebettelt, dann finge se oa zu drohe,
beinoh wärn se schon in die Jahnturnhall entflohe.
Do kriegt de Vorstand dann en Schreck,
Naa, do eniwer losse mer die Buwe net.
Jetzt hon se die Zusag gekriegt,
de Vorsitzende hot debei e paar Träncher verdrickt.
Ei, Er Leit, woas sin dann däs fer Sache,
mer Kinsteerer könne iwer so was nor lache.
Zwaas Vereine mit laurer trübe Tasse,
die sich gegenseitig däs Lewe schwer mache.
Drum stimmt jetzt alle mit mer eu:
Mer wollte in Naum koa Kerweborsch seu.
Drum Kellner

Die Naumer Kerb voriges Jahr
mit Kerwebeemcher ziemlich rar.
Do han se was an de Tornhall stehe
so kloa unn mickrig ozusehe.
Sonntagsmojens, do war was los,
ei wo sinn dann die Beemcher bloß.
Zwische Naum unn Kinsteere oagekumme
warn se an Verkehrsschild gebunne.
Mit em Plakat, däs war so prächtig,
Dan Meter uff en Meter sechzig.
Erbos warn se die Naumer Schaarn,
als se den Text uff em Schild erst sahen.
Deshalb, Er Naumer könne mer Eich nur empfehle,
en gescheite Kerweboam kann mer aach net stehle.
Drum Kellner

Jetzt es es wirrer an de Zeit
fer Stimmung unn Gemitlichkeit .
Beim Kerwewert, do gibt es Lewe,
de Kaisersaal, der es am Beewe.
Er kennt esse unn trinke, so lang wie's Eich schmeckt,
de Schorsch es mit Allem gut eugedeckt.
Schee Musik unn de Firlefanzen
Macht de Riedel in seum hellste Glanz.
Moi Kerweborsch unn aach ich,
mer howwe reservierte Tisch.
Drum er Mädcher zeigt mehr Mut,
an unserm Tisch do feht mer gut.
Heit Mittag um vier geht's weiter
bei Sekt, Bier un alkoholische Kräuter.
Drum will ich hoffe, da Er all kumme dut
mit Stimmung, Schwung unn frohem Mut.
Mer mache jetzt weiter, däs misst Er verstehe,
mer wolle de Saal heit aach noch emol vun inne sehe.
Drum August haach jetzt uff die Drummel
unn wirer geht's zum Kerwerummel.
